

榆次縣志卷之三

學校

唐開元中詔天下州縣並立孔子廟榆次文廟自唐以來當有之然莫可詳考宋真宗咸平二年龔父爲令建文廟於縣治之西金大定中縣令楊伯元崇廟貌樹戟門元至大三年縣尹任德中修東西賢堂學諭石固爲之記至順二年縣尹侯洪復修規模增式廓焉

明洪武宣德成化間知縣林昇曹顯宋信相繼修葺至宏治九年教諭宇文鍾謀新學宮白於撫按乃屬布

政司參議繆昌檄知縣南明繕事與鄉官任義孫昌共經畫之越二歲功竣中爲大成殿左右爲兩廡前

爲戟門爲泮池南爲櫺星門東爲神廚西爲齋宿所

又西爲文昌祠

萬厯時改啓聖祠

殿之旁爲祭器庫東南爲

儒學倉

萬厯時廢

又南爲名宦鄉賢等祠又南爲孟母祠

明倫堂在殿後依仁齋在堂東游藝齋在堂西齋之

南左曰禮門右曰義路制書樓在堂後

萬厯時改敬一亭

東

西爲號舍北爲教諭宅東爲訓導宅

正德中知縣吳縉增塑兩廡諸賢像而龕之世宗時易

以木主嘉靖二十五年知縣俞鸞以名宦鄉賢二祠

迫近居民遷於戟門左右萬厯二十九年知縣張鶴

騰增修大殿兩廡又於戟門東闢門改孟母祠爲延

賓亭後廢提學吳鴻功作碑紀其事三十二年知縣史

記事以文廟前民居逼近乃闢地長一十五丈闊三

丈櫺星門外爲門壁繚以石柱木柵壁外爲泮池後移

泮池於櫺星門內池外爲大坊表曰雲路天梯坊影壁飾以

琉璃宏敞壯麗與新闢西門通提學周繼昌爲記崇

禎二年知縣張任學重修學宮邑人御史張養以銀

八百兩助其役於敬一亭之北建尊經閣後以閣下

爲崇聖祠又改建文昌祠於明倫堂左任學有文勒

石學中

國朝順治十四年承明季兵燹之後學宮垣宇圯壞知縣熊光裕捐俸葺焉邑人光祿卿桑芸有碑康熙十二年教諭竇瑀率紳士共修又於明倫堂東建文昌祠上爲魁星閣二十二年十月地震多所傾圯知縣劉星荆振日相繼修葺邑紳桑日知有文刻石乾隆元年知縣王有德慨學宮不葺者四十餘年乃與紳士共議修葺越明年功過半而有德去七年知縣錢標繼修之工未竣標復遷朔州牧十五年知縣錢之青復爲經畫落成焉邑紳王系合紀其事勒之碑嘉

慶十五年邑紳士捐貲重修餘貲補修南城垣復置
水田叁畝肆分以作廟中洒掃之費知縣楊棟秀作
碑記

按今時文廟規制大成殿居中東西爲兩廡外爲
戟門門外左爲名宦祠右爲鄉賢祠俱南向東爲
神廚西爲齋室院中爲泮池西南隅爲忠義祠外
爲櫺星門東西爲鍾英毓秀坊中爲甬道南爲大
坊表曰聖域賢關雲路天梯坊外爲影壁俱完好
邑儒學門 在文廟東入門數十武爲奎樓爲文昌祠
迤西爲龍門龍門內西爲游藝齋東爲依仁齋正北

爲明倫堂中樹康熙年告成碑一通砌卧碑於北牆
東西兩壁大書忠孝節義四字而歷朝科名碑亦在
焉昔之人講法於斯鄉飲於斯賓興亦於斯維時化
行俗美文教昌明其獲益於斯者爲何如哉明倫堂
後爲敬一亭爲崇聖祠爲尊經閣左爲教諭署右爲
訓導署雖規制不廣而地居爽塏以是爲講習絃誦
之所亦可以考道而論業焉

學宮南盡龍門北盡任家巷長二十七丈二尺七寸
東盡奎樓院底西盡射圃闊十九丈四尺周圍共計
四十六丈六尺七寸其建修年歲大約與文廟俱然

歷年既久未可詳稽而道光二十四年重修則別有碑在

學額

廩生二十名 增生二十名

文武生員舊額各二十名咸豐七年加三名九年又加柒名共三十名永爲定額

昔庠序設而三代遂稱盛治青衿刺而子產不毀鄉校則學校誠重也今之學雖不逮於古而名存則實可思亦在人之自勵耳榆次學額二十咸豐間以樂輸之故文武各加常額又或有廣額濟濟

焉郁郁焉在入斯學者尚思爭自琢磨而報稱
國家也則幸甚

書院義學附

鳳鳴書院 在縣治東乾隆十三年邑令錢之青就兩
賢祠設義學出脩脯延師課士並移劉星停帆帖石
刻於講堂屋壁越十八年邑令史湛增建學舍榜爲
鳳鳴書院嘉慶二十四年邑令路孟達重修道光十
七年邑令文光督士民捐資壹萬兩旋發當行不計
閏按月入釐生息以爲膏火資咸豐元年於書院西
偏置地基一所舊名集鳳山起造屋宇爲經理人辦

公之所

道光二十年賈珍王治泰施入書院郭門外地一畝零

停帆法帖

顏魯公上郭僕射書計石三塊

蘇文

忠玉論計石八塊

董宗伯書白香山池上篇書計

石三塊

皆知縣劉星家藏墨蹟雙鈎勒石

附東

軒罕山秋日書計石二塊

源池書院

在源渦村元徵士趙彬所建左丞呂思誠

勒石記其事後彬子大有孫唐臣舜臣重葺明嘉靖

年舉人寇天瑞恢其舊址中建先聖殿左右翼以兩

廡前爲櫺星門後爲講舍於大殿塑先師四配十哲像 國朝康熙年里人張治緯重修乾隆十二年知縣錢之青捐資復修道光二十四年里人甯國同子貢生述俞等募資數千金因與生員崔映南拓而新之復裝聖像如生增有子朱子二像擴充兩廡重新木主金碧輝煌文光丕煥又於門外鑿池拓圍牆以繞之東造屋十餘間爲師生課讀之所

魏榆書舍 在北門街任家巷口東康熙二十二年知縣劉星建置學田四十畝爲師弟膏火資後邑人祀劉公於其內一名劉公祠

西門街義學前志稱小學 在文廟甬道東明萬厯年

知縣劉似鰲建歲捐學穀六石銀六兩 國朝知縣

劉星撥楊公祠社學地二十五畝以爲師資

社學 在北門街西順治七年知縣楊三知建買田五

十餘畝以供師資後祀楊公於內康熙年撥地二十

五畝入小學

鳴謙鎮義學本康熙中前知縣事王亦宣以官亭廢址

改建雍正二年知縣張孫綰給鹵地三畝乾隆九年

知縣徐玉田始以上戈村歸公地一十八畝撥入以

給師資

東郝村義學乾隆十一年知縣徐玉田所立十二年以村東三妙溝地三十一畝撥入學中

什貼鎮義學乾隆十二年知縣錢之青捐建學舍內有西和堰地六畝辛置地十畝以供脯脩

聶村義學乾隆十三年里人公建撥妙智寺地二十九畝以供脩脯貢生王呂識爲記咸豐六年重修屋宇整潔延師教讀

張村義學乾隆十三年監生智昌捐地造學舍復捐膏火地三十畝以爲師資

永康鎮義學乾隆十三年監生王光捐地起學舍復歲

給脯脩延師以教鄉之子弟焉

涂川書院 在縣治西今廢

東陽鎮義學今廢

鳳翔書舍 在西長甯鎮咸豐七年倉正田克智范奇

英范子鴻等以社倉餘息創立

[illegible]

榆次縣志卷之三

壇廟 寺觀附

縣社稷壇 在城西北半里許壇左神廚牲房齋所各

三間前明洪武年知縣張友政創建宣德以後知縣

曹顯劉震張鶴騰相繼修葺 國朝道光二十八年

知縣張映南重修正面改作屋五楹壇基南北長二

十三丈五尺東西廣三十五丈壇內周垣南北長六

丈一尺東西廣五丈八尺內砌臺基方圍十丈

縣風雲雷雨山川壇 在城南一里如社稷壇制前明

洪武年建縣令相繼修葺 國朝道光二十八年重

修壇基東西廣二十六丈南北長二十六丈其東南短二丈內垣東西廣五丈八尺南北長七丈二尺中砌臺基方圍十丈

縣先農壇 在城東南半里許雍正六年知縣鄒雙奉文建壇周以垣東西併地計廣二十二丈五尺南北長十六丈五尺門樓一座內建正亭三楹東西小亭各一間道光年修葺仍舊旁地五畝爲耕籍之所

邑厲壇 在縣北門外前明洪武年建壇南北長九丈東西北廣七丈南廣六丈自明至國朝屢次修葺道光年復修正亭三楹南亭三楹

褚志載明時有鄉社鄉厲二壇肇自洪武中至嘉靖時已並廢

文廟 在縣治西 詳見學校志

關聖廟 在南門順城街大乘寺北明萬曆十八年建國朝康熙甲午暨道光七年兩次修葺邑令春秋大祭朔望行香俱在此

城隍廟 在縣治東元至正二十二年達魯花尹赤帖木兒創建前明屢有增建益爲宏敞詳見金中夫褚鐵碑記 國朝順治康熙年重修葺乾隆十八年知縣秦雄褒補修撰記並書書法擬柳學者多臨摹之